

Илбагындан белчудила бетуцлизир хлябалра бяхичибиз дарх дузахъес гягилбиркур, цалра геллахъебяхъили.

Ишди программабани дарган мезла дурсрачиб дурхнала хатл ункъдиклахънила чебкатси хлянчира бузахъни тлалаббирусисаби. Дарган мезла учительличиб чебси саби бучлантала хатл кьугъати диахъес къайгъилизие виэсра.

Чедирти (5-11) классунала бучланти жузачил сабил пайдалабирахъес бурсибирниличи анцбукъ бетикес гягилниси саби, сенклун учитель даим мякълав хлейрар, багъудлumi биалли лерилра гямрулизир кайсес гягилнити сари. Ишди программабани цабутлаван жузазирад чус чули багъудлumi кайсахъес дурхли бурсибарнила мурадла тлашбалтуси саби.

Пергъиси замана Дагъистайзир миллатунала мез дучлахънила шайчир гяхлцад далдуцуни дурадурклули сари: бехлбихъудла классуназир араглерлира-сера лерил дурсри (гъайгъайра, хасси предмет саблин, урус мезла дурсри халхледарили) миллатла мезличил кадирхъни; урга даражала чедирти классуназирра булан (10-11) миллатла мезани руркънилис хаста сягъятуни деклардарни, сарира гьалар агарти; шагъуртала школабазирра Дагъиста деклар-декларти миллатунала дурхнала хаста кьукъни цаладяхъили, нешла мезла дурсри кадирхъни.

Ишди сагати програмаби хлясибли дарган мез 11 ибил классличи бикайчи делчлахъес чебилахъуси саби, илхелера гьалар урдалтули дуибти грамматикала бутлнира алавуцули: фразеология, стилистика, орфоэпия, диалектология. Ишди программабани дарган мез гьаларичир тлнтли ва мурхъли делчлахъес тлалаббирили саби.

Ишхелла манзилла тлалабуни ва мурадун хлясибли, дарган мезла шайчир бучлантала имцлал саркъибти ва гячихъти бурсидешуни дизс гягилнити сари. Чедирти классунала цацабехлти дурхли жягъялла студентуни сабину, илди, практикалалашал ахленну теориялалашла гяхлхл хлядурбиубтили бизс гягилнити саби. Илбагындан ишди программабани мезла цацадехл кьянти суалтачира бучлантала пикри битлакес ибси масъала тлашбалтули саби.

Гъайгъайра, 10-11 ибти классуназир дарган мех дучлилис чедаахъибти сягъятуни камти сари (жумяглизиб ца сягъят). Вецъибил класслизир чедаахъибти 34 сягъятли лексика, фразеология, стилистика, фонетика ва морфология делчлес гягилнили сари, 11 ибил класслизиб синтаксис. Камли сари илди сягъятуни.

Илбагындан учительлис маслигъятбируси саби, гьалар делчлунти темаби тикрардирули, илди сагати баянтачил чедицлахъни, глергъити дусмала гилмула сархибдешуначи хъарихъули, дурхнала багъудлumi тлнтлдиклахъни.

Ишхелли даргала гяхлцад гьалабхл арбьякъунси ва мягличерти чедибдешуни сархибси художественная литература леб, сунезирра лерилра-сера жанраби ва жураби аклахъуси. Ил литературный мезличил белклунси саби.

Гьарли-марли чекабизурли ва бархъли, сегъунтилра гъарацлешуни агарли, даргала литературный мезличил гъайбиклила бурсидешуни тлалабдирули сари бучлантазирад ишди программабани. Илала дурабад, дурхнани гячихъли багъес гягилниси саби даргала литературный мез аклила история ва илди кьулайдиклахънила шайчибси гялимтала ва педагогунала хлянчи.

Урга даражала школа таманбирити дурхнани литературный мезла (орфоэпияла) кьядуртачил дарх луклила кьядуртира ункъли далес гягилнити сари.

Дарган мезла дахъал диалектуни ва лугъатуни лерни гячихъси саби. Дурхнала дахъалгъунти хатлабира илди лугъатунала хьулчиличир алклули дирар. Илбагындан программабазиб пикри бяхичицули саби дарган мезла диалектунала ва лугъатунала хлекълизирра дурхнала белгити багъудлumi диахъниличи.

Дарган мезла дурхнала творчестволаси бяхичибиз бяхънира лайикъсили чебиули саби. Илбагындан халкъла мухлила произведениеби (хабурти, далуйти, буралаби, багъираби, фразеологизмаби) дурчниличи деклар-декларти поэтунала ва писательтала